

矜原上居反吟獻音
草屨下音句也
指撫爲反許除反
糾正上俱有反解反
譖許謂鐵鉗反
各憤憤俱妹反
愛反

司榦下麥妃嬪音非
玩愚貴下音愚貴
措則上口解反
繯紛上延賓反
鑄鑄下巨文反
殄喪上徒典反
湊七奏音反
甄鸞真音反

衣衾丘下音頻
若子管俱羽反
纂子俱若反
蹠列直列反
殛之上紀呼下
澆古堯堯奇
貶檢悲

儲宮上音若
子管俱若反
澆古堯堯奇
貶檢悲

歷代三寶紀卷第十二

隋開皇十七年翻經學士臣費長房上

大隋錄者我

皇帝受命四天護持三寶承符五運宅此九
州故誕育之初神光耀室君臨已後靈應競
臻所以天兆龜文水浮五色地開泉醴山響

乙

方云

萬年雲慶露甘珠明石變聲聞瞽視瘡語饗
行禽獸見非常之祥草木呈難紀之瑞豈唯
七寶獨顯金輪寧止四時遍和玉燭是以金
光明經正論品云因集業故得生人中王領
國土故稱人王處在胎中諸天守護或先守
護然後入胎三十三天各以己德分與是王
以天護故稱爲天子赤若之歲黃屋馭時土
制水行興廢毀之佛日火乘木運啓年号以
開皇可謂法炬滅而更明否時還泰者也其
冬即有沙門智周等齋西域梵經二百六十
部膺期而至

勅旨付司訪人令翻二年仲春即便就譯季
夏詔曰殷之五遷恐民盡死是則以吉凶之
士制長短之命謀新去故如農望秋龍首之
山川原秀麗卉物滋阜宜建都邑定鼎之基
永固無窮之業在茲因即域城曰大興城殿
曰大興殿門曰大興門縣曰大興縣園曰大
興園寺曰大興善寺三寶慈化自是大興萬

國仁風緣斯重闡伽藍鬱時兼綺錯於城隍
播蓋騰飛更莊嚴於國界法堂佛殿旣等天
宮震旦神州還同淨土沙門濟濟習六度以
熏心信士詵詵修十善以爲行四海以之靜
浪九服所以息塵地德旣其顯丕天休自然
暢朗白鹿已見麒麟將降不遙蒼鳥旣翔鳳
凰來儀非遠於是鼓腹黃齒爭買祇陀之園
擊壤青衿競聚育王之土浮圖於焉間發寶
刹闕爾星羅見即僧尼將二十萬支提寺宇
向出四千凡諸譯經婆羅門道俗并見緝綴
此方繙儒十有九人所翻新文及維舊本論
傳法式合七十五部四百六十二卷結爲

沙門那連提耶舍

八部

沙門釋僧就

二十八卷經
一部六十卷經

沙門闍那崛多

三十一部
一百六十五卷經

沙門釋法上

三部

四十三卷數及論錄

沙門釋靈裕

八部三十卷論記
二部三十五卷三階集

沙門釋信行

一部七卷經錄目

沙門釋法經

一部八卷經

沙門釋寶貴

一部一卷論

沙門釋僧粲

一部三十一卷論場
六部九卷論傳錄

沙門釋僧琨

四部三十七卷智度
解及論

沙門釋彥琮

一部二卷經
四部三十七卷智度

沙門釋慧影

一部十卷傳
解及論

隋 洋川郡守曇法智

一部一卷經

沙門毗尼多流支

二部一卷經

席二

晉王府祭酒徐同卿 一部二卷論

翻經學士劉憑 一部一卷內數術

勅有司撰 一部一十卷衆經法式

隋業報差別經 一卷

開皇二年三月譯是第二出
尚罪業報應經太同小異

右一部一卷元魏世婆羅門優婆塞瞿曇般若流支長子達摩般若隋言法智

席二道三

門世已來相傳翻譯高齊之季爲昭玄都齊國既平佛法同毀智因僧職轉任

俗官冊授洋州洋川郡守 大隋受禪梵牒即來顯佛日之重興彰國化之冥

應降 勅召智還使譯經即於大興善

寺翻出智既妙善隋梵二言執本自翻

無勞傳譯大興善寺沙門成都釋智鉉

筆受文辭詮序義理日嚴寺沙門趙郡

釋彥琮製序

象頭精舍經 一卷

開皇二年二月譯是第二出
少殊異文

大乘方廣懇持經 一卷 開皇二年七月譯

右二部合二卷北天竺烏場國三藏法

師毗尼多流支隋言滅喜既聞我

皇興復三寶故能不遠五百由延振錫巡方來觀盛化至止便召入令翻經即於大興善寺譯出給事李道寶般若流支次子曇皮二人傳譯大興善寺沙門

長安釋法纂筆受爲隋言并整比文義沙門彥琮並皆制序

大方等日藏經十五卷

開皇四年五月起翻五年二月訖沙門智

力莊嚴三昧經三卷

開皇五年十月出費鉉道遠慧獻奉朝請庚

大莊嚴法門經二卷

開皇三年正月出沙門費鉉筆受與文殊師利

德護長者經二卷

開皇三年六月出沙門智鉉筆受與文殊師利

蓮華面經二卷

開皇四年三月出淨法門經本同別譯異名

大雲輪請雨經二卷

開皇二年正月出是第

開皇二年正月出是第

一百品

牢固女經一卷 開皇二年十二月出

百佛名經一卷

開皇二年十二月出上四
經六卷並沙門慧獻筆受

右八部合二十八卷北天竺烏場國三

藏法師高齊昭玄統那連提耶舍隋言
尊稱譯舍少出家五天遊四大小諸國
經六十餘但是釋迦勝跡處所無不必

第二

四

道

跋既窮南海還反北天復之茹茹逢彼
國破因入鄴都正值文宣時始四十舍
之骨梗頗異等倫緣是文宣偏所待遇
藉甚既著理此統焉時亦出經備齊世
錄齊被周滅仍憩漳濱開皇元年新經
至止勑便追召二年七月傳送到京
見勞慰懃即勅安處大興善寺給以上
供爲法重人其年季冬就手翻譯沙門
僧琛明芬給事李道寶學士曇皮等僧
俗四人更遯度語京城大德昭玄統沙
門曇延昭玄都大興善寺主沙門靈藏
等二十餘僧監掌始末至五年十月勘

校訖了舍九十餘矣至九年而卒有別
傳所譯之經並沙門彥琮製序

新合大集經六十卷

右一部六十卷招提寺沙門釋僧就開
皇六年新合就少出家專寶坊學依如
梵本此大集經凡十萬偈若具足翻可

三百卷見今譯經崛多三藏口每說云
于闐東南二千餘里有遮拘迦國彼王
純信敬重大乘諸國名僧入其境者並
皆試練若小乘學即遣不留摩訶衍人
請停供養王宮自有摩訶般若大集華
嚴三部大經並十萬偈王躬受持親執

第二

五

道

鍵鑰轉讀則開香花供養又道場內種
種莊嚴衆寶備具兼懸諸雜花時非時
果誘諸小王令入礼拜彼土又稱此國
東南二十餘里有山甚峻其內安置大
集華嚴方等寶積楞伽方廣舍利弗陀
羅尼華聚陀羅尼都薩羅藏摩訶般若

八部般若大雲經等凡十二部皆十萬偈國法相傳防護守視兼云有三滅定羅漢在彼山窟寂禪冥衛半月一月或有僧往山爲羅漢淨髮信哉神力固當實焉鬚髮剃還生入滅定不動難思議福地獲此寶任持所冀今來明王眷主

種賢紹聖弘法化君寫以宣流所統之內聞善尚傳故因叙載然去聖將遠凡識漸惛不能惣持隨分撮寫致來梵本部甲弗全略至略翻廣來廣譯緣是前哲支曇所翻及羅什出或二十七或復三十或三十一卷軸匪定就既宣揚每

皇后檢校抄寫衆經兩藏遂更王就所合名題甚爲整類又今見翻其間尚有是大集分略撮都訖應滿百卷於本梵文三分將一旦夫土石未爲細塵無自持之力及其結爲坤阜有生載之功況條離株稀盛榮流捨源求廣潤而可得乎哉而我

皇帝之挺生應天時順地理九州離隔出三百年十萬偈分將踰千祀散經還聚光大集之文別壞遂通顯大興之國非夫位握金輪化弘方等先皇前帝開壇闡法其孰並斯焉

席二

六

道

佛本行集經六十卷開皇七年七月起手十一年二月訖功沙門僧

曇學士費長房劉慧等筆受沙門彥琮製序

法炬陀羅尼經二十卷開皇十二年四月起

門道遠等筆受

威德陀羅尼經二十卷開皇十五年七月起

沙門僧理

恒嗟歎及覩耶舍高齊之世出月藏經一十二卷至今開皇復屬耶舍譯日藏經一十五卷既並大集廣本舊品內誠欣躍即依合之成六十軸就錦附入未善精比有大興善寺沙門洪慶者識度淵明奉爲

諸佛護念經十卷

開皇十四年十月起手至十
二月訖沙門僧曇等筆受

五千五百佛名經八卷

開皇十三年八月起手十四年九月訖沙

賢護菩薩經六卷

開皇十四年十二月訖沙門明芬等筆受

聖善住天子所問經四卷

開皇十五年九月訖沙門道遠等筆受

觀察諸法行經四卷

開皇十五年四月出五月二十日訖沙門道遠等筆受

四童子經三卷

開皇十三年五月出七房等筆受

諸法本無經二卷

開皇十五年六月翻七月訖沙門僧琨等筆受

虛空孕菩薩經二卷

開皇十七年正月翻三月訖沙門僧曇等筆受

參 琮 製 序

月上女經三卷

開皇十一年四月翻六月訖學士劉憑等筆受沙門彥琮製序

善思童子經二卷

開皇十一年七月翻九月訖學士費長房等筆受沙門彥琮製序

參 琮 製 序

移識經二卷

開皇十一年十月翻十二月訖學士費長房等筆受沙門道遠等筆受

譬喻王經二卷

開皇十五年五月翻六月訖沙門道遠等筆受

序二

發覺淨心經二卷

開皇十五年九月翻十月訖沙門僧琨等筆受

一向出生菩薩經一卷

開皇五年十二月翻十二月訖沙門僧曇等筆受

大威燈仙人問疑經一卷

開皇六年正月翻二月訖沙門道遠等筆受

文殊尸利行經一卷

開皇六年三月翻四月訖沙門僧曇等筆受沙門彥琮製序

八佛名號經一卷

開皇六年五月翻六月訖沙門道遠等筆受沙門彥琮製序

希有校量功德經一卷

開皇六年六月翻其月訖沙門僧曇等筆受沙門彥琮製序

善恭敬師經一卷

開皇六年七月翻八月訖沙門僧曇等筆受沙門彥琮製序

參 琮 製 序

如來方便善巧呪經一卷

開皇七年正月翻二月訖沙門僧曇等筆受

不空羈索觀世音心呪經一卷

開皇七年四月翻五月訖沙門僧曇等筆受

十二佛名神呪除障滅罪經一卷

開皇七年五月翻其年

金剛場陀羅尼經一卷	月訖沙門彥琮撰序受沙門彥琮寫等筆
諸法最上王經一卷	開皇七年六月翻八月訖沙門明芬等筆受
入法界經一卷	開皇十五年五月翻七月訖沙門道密等筆受
商主天子問經一卷	開皇十五年八月翻九月訖學士費長房等筆受
出生菩提經一卷	開星十五年十月翻共月訖學士劉憑等筆受
金光明經囑累品銀主品合一卷	開星十五年十二月五日訖周母多翻五卷並無
<small>出費長房筆受涼母曇無識翻四卷梁</small>	
<small>此兩品今有故漢出之</small>	
右三十一部合一百六十五卷北天竺犍達國三藏法師闍那崛多隋言至德譯又云佛德周明帝世武成年初共同學耶舍崛多隨厥師主摩伽陀國三藏禪師闍那耶舍賈經入國師徒同學悉彼習方言二十餘年崛多最善周世在京及往蜀地隨處並皆宣譯新經或接先闕文義咸允時遭魔難世迫王威建德	席二

三年逆毀二教夏之七衆俱俗一衣崛多師徒亦被誘逼既無結契捐命遊方弗憚苦辛弘化爲務值法凌滅遂喪本心辯是梵人不從華服秉固志節乞求反邦國家依聽以禮放遣我脂那者實是閻浮之陸海也爲諸遐裔殊服異形咸所奔湊其非樂土寧感致斯慕化而來來者容納思鄉欲去去者弗違還向北天路經突厥遇值中面他鉢可汗懃重請留因往復曰周有成壞勞師去還此無廢興幸安意住資給供養當使稱心遂爾併停十有餘載師及同學悉彼先祖唯多獨在時屬相州沙門寶暹道邃智周僧威法寶僧曇智照僧律等十有一人以齊武平六年相結西遊往還七載凡得梵經二百六十部迴到突厥聞周滅齊併毀佛法退則不可進無所歸還延彼間遂逢至德如渴值飲若暗

遇明仍共尋閱所得新經請翻名題勘
舊錄目頗覺巧便有殊前人遲等內誠
各私慶幸獲寶遇匠得不虛行同誓焚
香共契宣譯大隋受禪佛法即興遲等
賚經先來應運開皇元年季冬屆止有
司聞徹 勅旨付司訪人令翻崛多四

席一

九

道

年方果入國處之興善將事弘宣五年
勅旨即令崛多共婆羅門沙門若那竭
多開府高恭恭息都督天奴和仁又婆
羅門毗舍達等道俗六人令於內史內
省翻梵古書及訖文等于時廣濟寺唯
獨耶舍一人譯經至七年別 勅崛多
使兼翻經兩頭來往到十二年翻書訖
了合得二百餘卷進畢余時耶舍先已
歿亡仍 勅崛多專主翻譯移法席就
大興善寺更召婆羅門沙門達摩笈多
并遣高天奴高和仁兄弟等同翻又增
置十大德沙門僧休法繫法經慧藏洪

遵慧遠法纂僧暉明穆曇遷等監掌始
末詮定旨歸其十四部本行集經七十
六卷並是餘處十一年前崛多自翻沙
門彥琮製序皆是其十七部法炬經等
八十九卷十二年來在大興善寺禪堂
內出沙門笈多高天奴兄弟等助沙門
明穆沙門彥琮重對梵本再更覆勘整
理文義其外尚有九十餘部見在續翻
訖隨附錄仰惟如來金口一唱異類各
蒙悟解譬若日月耀天迦葉阿難親承
梵音結集布乎皮牒猶如炬燭朗夜後
漢迄今國俗殊別宣譯著在文言狀似
螢燈照室所冀石火之繼太陽以影傳
光津液法流露潤含識庶無斷絕若論
真偽本末豈得同年而比較哉

增壹數四十卷

略諸經論所有數法從一至十
從十至百乃至千万有似數林

佛性論二卷 或一卷
衆經錄目一卷

右三部合四十三卷相州前定國寺沙門釋法上撰上戒山崇峻慧海幽深德可軌人威能肅物故魏齊世歷爲統都所部僧尼減二百萬而上綱紀將四十
席二年當文宣時盛弘釋典上懇擔荷並得緝諧內外闡揚黑白咸允非斯柱石孰

十

道

此棟梁景行旣彰逸響遐被致句麗國大丞相王高德乃深懷正信崇重大乘欲以釋風被之海曲然莫測法教始末緣由自西徂東年廿帝代故從彼國併錄事條遣僧義淵乘帆向鄴啓發未聞事條略云釋迦文佛入涅槃來至今幾年又在天竺經歷幾年方到漢地初到何帝年号是何又齊陳國佛法誰先從爾至今歷幾年帝請乞具注其十地智度地持金剛般若等諸論本誰述作著論緣起靈瑞所由有傳記不謹錄詰審請垂釋疑上答佛以姬周昭王二十四

年甲寅歲生十九出家三十成道當穆王二十四年癸未之歲穆王聞西方有化人出便即西入至竟不還以此爲驗四十九年在世滅度已來至今齊世武平七年丙申凡一千四百六十五年後漢明帝永平十年經法初來魏晉相傳至今孫權赤烏年康僧會適吳方弘教法地持是阿僧祇比丘從彌勒菩薩受得其本至晉安帝隆安年曇摩訥於姑臧爲河西王沮渠蒙遜譯摩訥衍論是龍樹菩薩造晉隆安年鳩摩什婆至長安爲姚興譯十地論金剛般若論並是僧徒弟婆數盤豆造至後魏宣武帝時三藏法師菩提留支始翻上答指訂由緣甚廣今略舉要以示異同而上所服素納袈裟一鉢三衣外更無聚諸受請供感世利財起一山寺名爲合水山之極頂造兜率堂常願往生覲覲彌勒四

席二

十一

方

事供養百五十僧齊破法涇山寺弗毀
上私隱俗習業如常常願殘年見三寶
復更一頂禮慈氏如來業行既專精誠
感徹心如注水遂屬開皇至尊龍飛
佛日還照上果情願病服袈裟弟子杠
昇昇山寺頂合掌三禮弥勒世尊右遶

三周訖還山下傍人不覺奄然而卒九

十餘矣

安民論十二卷

正

正

陶神論一卷

正

因果論二卷

正

聖跡記二卷

正

塔寺記一卷

正

經法東流記一卷

正

十德記一卷

正

僧尼制一卷

正

右八部合三十卷相州大慈寺沙門釋
靈裕撰裕即道憑法師之弟子也軌師

德量善守律儀慧解鈞深見聞弘博兼
內外學爲道俗所歸性愛傳燈情好著
述可謂篤識高行沙門觀裕安民陶神
因果意存宣通無上法寶而法大寶重
光顯實難末代住持由乎釋種像運建
立寄在帝王所以驥尾之蠅能馳千里
脩松之葛遂聳萬尋附託聖緣方申奇
志且夫京者大也師者衆也大衆所聚
故曰京師況今九壤會同六合齊統主
上方欲垂拱巖廊無爲而治既爲天下
之用還須天下之才故召釋弘僧徵儒
化俗委政於士求巧於工女織男耕各
席二十一 方

專其務四民之業也有司具存無所復
厝其戒律禪思講說經論轉讀法事五
衆之匠焉典章未備故復廣搜開皇十
年降勅所部追裕入京至是闕庭
勞問懃重方應攀龍鱗以布法雲使蒼
生蒙潤附鳳翼以揚慧吹令黔首獲涼

到未幾何頻辭請退乃云不習水土屢覺病增十一年春放還歸鄴房曰夫能忘我乃能濟時今顧戀身形忘大利益六親聚落尚未能捐三界家居理難捨出也

對根起行雜錄集三十二卷

三階位別錄集三卷

右二部合三十五卷真寂寺沙門釋信

行撰行魏州人少而落髮博綜群經蘊獨見之明顯高蹈之跡與先舊德解行弗同不全聲聞兼菩薩行捨二百五十戒居大僧下在沙彌上門徒悉行方等結淨頭陀乞食日止一食在道路行無間男女率皆礼拜欲似法華常不輕行夫涅槃一理趣有萬途譬若帝京八方奔轡涅槃亦尔十方皆歸但路有艱夷或迂或直意迷其逕解翻成惑心醒其途惑即爲解所以經言衆生未成佛以

席二

十三

方

聽流行想同歲勗

衆經錄目七卷

右一部七卷開皇十四年大興善寺沙門釋法經等二十大德奉勅撰揚化寺沙門明穆區域條分指蹤終日嚴寺沙門彥琮覲縷緝維考校同異故表略云總計衆經合有二千五十七部五千三百一十二卷凡爲七軸別錄六卷總錄一卷但法經等既未盡見三國經本校驗同異今唯且據十餘家錄刪簡可否總標綱紀位爲九錄區分品類有四十二分九初六錄三十六分略示經

菩提爲煩惱衆生若成佛以煩惱爲菩提信行此途亦是萬衢之一術也但人愛同惡異緣是時復致譏此錄誠並引經論正文而其外題無定准的雖曰對根起行幽隱指體標榜於事少潛來哲儻詳幸知有據開皇二十年勅斷不

律三藏大小之殊粗顯傳譯是非真僞之別後之三錄集傳記注前三分者並是西域聖賢所撰以非三藏正經故爲別錄後之三分並是此方名德所修雖不類西域所製莫非毗贊正經發明宗教光輝前緒開進後學故兼載焉

新合金光明經八卷

右一部八卷大興善寺沙門釋寶貴開皇十七年合費即周出道安神足覩闍華典見昔晉出沙門支敏度合兩支兩竺一白五家首楞嚴五本爲一部作八卷又合一支兩竺三家維摩三本爲一部作五卷今沙門僧就又合二識羅什耶舍四家大集四本爲一部作六十卷諸此合經文義宛具斯旣先哲遺蹤貴遂依承以爲規矩而金光明見有三本初曇無讖譯四卷其次崛多譯爲五卷又真諦譯復爲七卷其序略云曇無讖

席二

古

方

法師稱金光明經篇品闕漏每尋文揣義謂此說有徵而讎校無指永懷寤寐梁武皇帝愍三趣之輪迴悼四生之漂沒況寶舟以救溺秉慧炬以照迷大同年中勅遣直後張記等送扶南獻使反國仍請名僧及大乘諸論雜華經等彼

國乃屈西天竺優禪尼國三藏法師波羅末陀梁言真諦并賣經論恭膺

帝旨法師遊歷諸國故在扶南風神爽悟悠然自遠群藏淵部罔不研究太清元年始至京邑引見殿內武皇躬伸頃禮於寶雲供養欲翻經論返芻憑陵大法斯舛國難夷謐沙門僧隱始得諮詢法師譯經經目果闕三身分別業障滅陀羅尼最淨地依空滿願等四品全別成爲七卷今新來經二百六十部內其間復有銀主陀羅尼品及嚮累品更請崛多三藏出沙門彥琮重覆校勘故貴

今合分爲八卷凡十二品品部究足始
自乎斯文号經王義稱深妙願言幽顯
頂戴護持

十種大乘論一卷

右一部一卷大興善寺沙門釋僧粲撰
粲俗姓孫氏陳留人少出家尚遊學江

席二

十五

河南北靡所不經閑隴西東觸處皆履
涉歷三國備齊陳周諸有法筵無不必
踐工難問善博尋今爲二十五衆第一
摩訶衍匠故著斯論光贊大乘十種者
一無障礙二者平等三逆四順五接六
挫七迷八夢九相即十中道並引經論

成文證據甚有軌轍亦初學者巧方便
門也

論場一部三十一卷

右一部合三十一卷大興善寺沙門成
都釋僧琨集琨即周世釋志名之弟子
俗緣鄭氏性沉審善音聲今爲二十五

衆教讀經法主搜括羣經卷部連比准
諸雜論篇軸參差引經說云欲知智者
意廣讀諸異論緣是採摭先聖後賢所
撰諸論集爲一部稱曰論場譬世園場

則五果百穀戲場則歌舞音聲戰場則
矛甲兵仗道場則幡華寶蓋種種莊嚴

今此論場譬同於彼無事不有披帙一
閱俱覽百家自利利人物我同益者也

達摩笈多傳四卷

通極論一卷

辯教論一卷

通學論一卷

七

七

善財童子諸知識錄一卷
新譯衆經序合一卷

右六部合九卷日嚴寺沙門釋彥琮撰
琮俗緣李氏趙郡柏仁人也世號衣冠
門稱甲族少而通敏才藻內融識洞幽
微情同水鏡遇物便曉事無再詳其論

傳辯並皆精洽通極者破出諸儒不信
因果執於教跡好生異端此論所宗佛
理爲極辯教者此明釋教宣真孔教弘
俗論老子教不異俗儒靈寶等經則非

儒攝通學勸誘世人遍師孔釋令知外

內備識俗真善知識者是大因緣登聖

卷三

十六

方

越凡不因知識無由達到此勸於人廣
結知友若善財焉

述釋道安智度論解二十四卷 幷道安自製序

傷學論一卷

存廢論一卷

厭修論一卷

右四部合二十七卷舍衛寺沙門釋慧
影撰影俗緣江氏巴西人即周世智度
論師釋道安義解之神趾傳燈注水繼
踵法輪述而不作弘摩訶衍亦爲二十
五衆主潛形寺宇汎志慧流跡罕人間
情多物外文鋒出口理窟入神觀夫論

興厥意可覩傷學論者爲除謗法之憊
存廢爲防奸求之意厥修令人改過服
道者也

占察經二卷

右一部二卷檢羣錄無目而經首題云
菩提登在外國譯似近代出今諸藏內

並寫流傳而廣州有一僧行塔懺法以
皮作二枚帖子一書善字一書惡字令
人擲之得善者好得惡者不好又行自
撲法以爲滅罪而男女合雜青州亦有
一居士同行此法開皇十三年有人告
廣州官司云是其妖官司推問其人引

席二

七

證云塔懺法依占察經自撲法依諸經
中五體投地如太山崩廣州司馬郭誼
來京向岐州具狀聞奏 勅不信占察
經道理令內史侍郎李元操共郭誼就
寶昌寺問諸大德沙門法經等報云占
察經目錄無名及譯處塔懺法與衆經

復異不可依行 勅云諸如此者不須流行

積異傳十卷

右一部十卷相州秀才儒林郎侯君素奉勅撰

通命論兩卷

右一部二卷晉王府祭酒徐同卿撰同卿以爲佛教亦有三世因果之義但以文言隱密理致幽微先賢由來未所辯

立卿今備引經史正文會通運命歸於因果意欲發顯佛教旨宗助佛宣揚導達群品咸奔一趣斯蓋博識能洞此玄

云

外內傍通比較數法一卷

右一部一卷翻經學士涇陽劉懸撰憑内外學數術偏工每以前代翻經等數比較術法頗有不同故爲斯演其序略云世之道藝有淺有深人之稟學有疎

衆經法式十卷

右一部十卷開皇十五年 勅有司撰
斯蓋帝王無方俯降開導群品匪隔釋

十八

方

儒隋梵通其一文華夷會其殊俗雖曰沙門服非夏服人是華人而大聖慈悲逆觀遐代垂教禁止助國防民民不自治天授神主主思政化拯濟蒼生遠惟金言深懷顧託所以大集經日藏分護法品佛告頻婆婆羅王大王汝等諸王

有密故尋筭之用也則兼該大衍其不思也則致惑三隅然華夏數法自有三等之差天竺所陳何無異端之例然先譯經並以大千稱爲百億言一由旬爲四十里依諸筭計悉不相合竊疑翻傳之日彼此異音指塵之際於斯取失故

錄衆經筭數之法與華夏相參十十變之傍通對衍庶擬翻譯之次執而辯惑既參經語故附此錄云

於今現在及未來世乃至法住於是時
中一切佛法囑付汝等一切諸王應好
擁護若擁護者即是三世一切諸佛之
大檀越能持三世諸佛正法是人命終
生於地方淨佛國土若擁護者能令三
寶久住不滅若不擁護我法即滅若法

在世能令人天充滿惡道減少所以世
界成壞要因諸佛聖法興毀必在帝王
故釋論云衆生果報由菩薩有勝天王
經云若佛如來不出世一切衆生受大
苦無復善道唯惡趣但聞三塗苦惱聲
將知世間值好國王恒聞佛法是不思
議又德護長者經如來記云月光童子
當來世佛法末時於閻浮提脂那國內
作大國王名爲大行彼王能令脂那國
內一切衆生住於佛法種諸善根震旦
脂那蓋楚夏耳此稱未者正法既滅去
佛漸遙通言末法計佛滅來至今已已

第二

十九 方

始一千一百九十五年依佛本行正法
五百像法千年今則當像末依善見律
正像住世各一千年今則當像初既俱
經律延促逐緣乃可承初豈應據末昔
魏太武毀廢之辰止及數州弗涇經像
近遭建德周武滅時融佛龕經驅僧破
塔聖教靈跡削地靡遺寶利伽藍皆爲
俗宅沙門釋種悉作白衣凡經七年不
識三寶當此毀時即是法末所以人鬼
哀傷天神悲慘慧日既隱蒼生晝昏天
啓我 皇乘時來馭君臨億兆化被萬
邦庶政咸新典章斯革輕刑薄賦減役
省徭二十進丁兩牀輸疋舍齒戴髮俱
喜泰平旣清廓兩儀即興復三寶開皇
元年二月京及諸州城居聚落並皆創
訖至閏三月 詔曰門下法無内外
萬善同歸教有淺深殊途共致朕伏膺
道化念存清靜慕釋氏不貳之門貴老

生得一之義物齊區有思至無爲若能
高蹈清虛勤求出世咸可獎勸貽訓垂
範山谷閑遠含靈韞異幽隱所好仙聖
收居學道之人趣向者廣石泉栖息巖
藪去來形骸所待有須資給其五岳之
下宜各置僧寺一所至七月又

制曰門下風樹弗靜隙影如流空切欲
報之心徒有終身之慕伏惟

太祖武元皇帝窮神盡性感穹昊之靈
膺籲合圖開炎德之紀魏氏將謝躬事
經綸周室勃興同心匡贊間關二代造
我帝基猶夏禹之事唐虞若晉宣之輔

漢魏往者梁氏將滅親尋構禍蕭讐稱
兵擁衆據有襄陽將入魏朝狐疑未決
先帝出師樊鄧飲馬漢濱彼感威懷連
城頓頸隋郡安陸末即風從敵人騁輔
車之援重城固金湯之守乃復練卒簡
徒壹舉而剋始於是日遂啓漢東蕭繹

往在江陵主梁稱制外通表奏陰有異
圖心跡之間未盡臣節王師薄伐帝寶
先鋒誅厥放命繼其絕祀有齊末亡凶
徒孔熾連山巨防艱危萬里晉水之陽
是其心腹於是鳴夢秉鐵假道北隣皮
服欽風煙隨霧集懸兵萬里直指參墟
左榮右拂麻積草靡雖事未旣也而英
威大震齊人因以挫劙周武賴以成功
尚想王業之勤遠惟風化之始率夷狄
而制東夏用偏師而取南國豈徒湯征
葛伯周伐崇峻而已哉積德累功福流
後嗣裨朕虛薄君臨區有追仰神猷事
冥真寂降生下土權變不常用輪王之
兵甲至仁之意百戰百勝爲行十善故
以干戈之器已類香華玄黃之野久同
淨國思欲崇樹寶利經始伽藍增長福
因微副幽旨昔夏因治水尚且銘山周
曰巡遊有因勒石帝王紀事由來尚矣

其襄陽隋郡江陵晉陽並宜立寺一所
建碑頌德庶使莊嚴寶坊比虛空而不
壞導揚茂實同天地而久長所以每年
至國忌日廢務設齋造像行道八閑懺
悔奉資神靈至八月又制曰門下昔
歲周道既襄羣羌鼎沸鄴城之地實爲

席二

王方

禍始或驅逼良善或同惡相濟肆海之
大過半狹狼兆庶之廣咸憂天噬朕出
車練卒蕩滌妖醜誠有倒戈不無困獸
將士奮發肆其威武如火燎毛殆云遺
燼于時朕在廊廟任當朝寧德慚動物
民陷網羅空切罪已之誠惟增見辜之
泣然兵者凶器戰實危機節義之徒輕
生忘死于戈之下又聞徂落興言震悼
日久逾深永念羣生蹈兵刃之苦有懷
至道興度脫之業物我同觀愚智俱愍
思建福田神功祐助庶望死事之臣菩
提增長悖逆之侶從暗入明並究苦空

咸拔生死鯨鯢之觀化爲微妙之臺龍
蛇之野永作玻瓈之鏡無邊有性盡入
法門可於相州戰地建伽藍一所立碑
紀事又民犯法處盡之人率爲營齋房
曰夫有國有征肇自上古未見戰場之
所建立僧坊死事之臣追爲建福決一
人罪十奏乃行其非大士應生金輪託
降祐含識於死傷之際安庶類於擾擾
之間孰能若是所以爲善相繼天下普
頒猶恐黎民懲惡未改將漸風化開皇
三年降勅旨云好生惡殺王政之本
佛道垂教善業可憑稟氣含靈唯命爲
重宜勸勵天下同心救護其京城及諸
州官立寺之所每年正月五月九月恒
起八日至十五日當寺行道其行道之
日遠近庶凡是有生之類悉不得殺
至四年又勅旨周武之時毀滅佛法
凡諸形像悉遣除之号令一行多皆毀

壞其金銅等或時爲官物如有現在並可付隨近寺觀安置不得輒有損傷於時木石之像皆將別用有司亦存意知則移安公寺私家遣迎供養所以興心曆意皆崇福基布令吐言必懷善誘至十一年又制曰門下如來設教義存

席二

十三

方

平等菩薩用心本無差別故能津梁庶品濟度羣生朕位在人王紹隆三寶永言至理弘闡大乘諸法豁然體無彼我況於福業乃有公私自今已後凡足營建功德普天之內混同施造隨其意願勿生分別庶一切法門同歸不二十方

塵境濟度含生斷邪惡之源開仁善之路自朝及野咸所依憑屬周代亂常悔懺聖跡塔寺毀廢經像淪亡無隔華夷掃地悉盡致使愚者無以導惜迷智者無以尋靈聖弟子往藉三寶因緣今膺千年昌運作民父母思極黎元重顯尊容再崇神化頽基毀跡更事莊嚴廢像遺經悉令雕撰雖誠心懇到猶恐未周故重勤求今得顯出而沉頓積年汙毀非處如此之事事由弟子今於三寶前志心發露懺悔周室除滅之時自上及下或因公禁或起私情毀像殘經慢僧

席二

十三

方

世界俱至菩提而日就月將營新稍廣但憶先惟往修舊未周復代含識重懺悔云開皇十三年十二月八日隋皇帝佛弟子姓名敬白十方盡虛空遍法界一切諸佛一切諸法一切諸大賢聖僧仰惟如來慈悲弘道垂教救拔

破寺如此之人罪實深重今於三寶前悉爲發露懺悔敬施一切毀廢經像綃十二萬疋皇后又敬施綃十二萬疋王公已下爰至黔黎又人敬施錢一文願一切諸佛一切諸法一切諸大賢聖僧爲作證明受弟子懺悔于時臺言主

將省府官僚諸寺僧尼縣州佐史并京城宿老等並相勸率再日設齋奉慶經像日十萬人寺別勑使香湯浴像至十五年以諸僧尼時有過失內律佛制不許俗看遂勑有司依大小乘衆經正文諸有禁約沙門語處悉令錄出並各

事別題本經名爲此十卷獎導出家斯實大行菩薩國王降意慇懃受佛遺囑憐愍黎庶恐溺三途慈普旣弘化流無外致今年五月群鹿來馴仁壽宮門旣奉明制躍還山野百官表賀至六月制曰朕比臨朝聽政乃有群鹿來遊馴擾宮門前後非一逼近人衆安然不驚但往經離亂年世久遠聖人之法敗絕不行習俗生常專事殺害朕自受靈命撫臨天下遵行聖教務存愛育由王公等用心助朕宣揚聖法所以山野之鹿今遂來馴官人等但以至誠化導民俗自

可編戶之人皆爲君子宜存心仁善副此休祥房曰夫宮門守衛兵仗肅嚴行人遠觀猶懷畏懼而山鹿野獸近狎弗驚者良有以也何但化沾行葦澤及蜋虫而已哉且麇鹿生虫見樹影動尚豎耳驚況視槃仗及人不怖故膺

聖化將欲表明先致野虫心安隱耳大智論云人無殺心衆生依附涅槃經云時有獵師追逐一鵠是鵠惶怖至舍利弗影猶故顫慄入如來影身心安隱恐怖即除此則仁壽宮門譬同佛影大品經云佛說般若盲者得視聲者能聽症

二十一

方

者能言此則巡歷泰山譬同般若勝天王經云轉輪聖王出世則七寶常見藍田之山舊稱產玉近代曠絕書史弗聞開皇已來出玉非一又太府寺是國寶淵璇二十餘自變爲玉仁壽山所國之神宮其山澗石復變爲玉地不愛寶此

則同於輪王相也而晏子云橘生江北化而爲枳今大興長安率栽橘樹況由來無華草藥木人難名記今並自形諸此靈休章表月有具左右史言事備刊謹略要祥以明福應庶奉法式釋種感君王慈育化焉

開皇三寶紀卷第十二 譯經大隋

席二

三寶紀卷第十二

席二